

րին նպաստել են և մի քանի հանդամանքներ, ինքն ըստ ինք-
եան երկրաչարժը արնպիսի ուժգնութեամբ է տեղի ունեցել,
որ աւերել է գրեթէ ամբողջ քաղաքը, բայց որովհետեւ օրը
հինգշաբթի լինելով՝ մահմադական կանանց բաղանիք գնա-
լու օրն էր, ուստի երկրաչարժը բացի շէնքերը կործանելուց,
տարել է և մարդկային բաղմաթիւ զոհեր. մինչև փետրուարի
կէսը թուրքերից արդէն մօտ 2000 դիակներ էին գտնուել,
իսկ հալերից 27 և ինչպէս մեզ հաղորդեց Շամախու թեմի Հո-
ղեմոս Ատենի Տ. Նախագահը, անշուշտ կրկնապատիկը պիտի
լինի զոհերի թիւը, որովհետեւ սեղանները տակաւին աւարտ-
ուած չեն:

Տների և բոլոր հաստատութիւնների մեծ մասը քանդ-
ուած են, քաղաքն ամբողջապէս աւերուած, շրջակայ քանի
մէ դիւղերի հետ և բոլոր բնակիչները անխտիր մերկ և ան-
սպաշտպան հրապարակի վերալ մնացած:

Ինչպէս պէտք էր սպասել, Շամախու այդ ծանր աղէտը
իւր վերալ դարձրեց Կովկասի քաղաքական վարչութեան և
բոլոր աղագնակութեան ուշադրութիւնը. առաջին օրինակը
տուաւ Նորին Մեծութիւն Քաղաւոր Կայսրը, նուիրելով ար-
կածնալների օգտին 150,000 ռուբլի, Կովկասի Տ. Կառավար-
չապետի թուրութեամբ ամենուրեք սկսաւ հանդանակու-
թիւն և ժողովուրդը առանց աղղերի խտրութեան իւր մար-
դասիրութեան ձեռը մեկնեց դէպի կարօտնալները. Բագու քա-
ղաքում կազմուած է մի մեծ կամիսէ, որի կողմից ներկալա-
ցուցիչներ են ուղարկուած Շամախի և շրջակայ դիւղերը՝ դը-
րամ, հաց, շոր և ալլ կենսական պիտոյք բաժանելու:

Աղգիս Վեհ. Հայրապետն ևս իւր կողմից լանձնեց լիշ-
եալ կօմիտէի անդամ և Բագուի գործակալ Տ. Արսէն վարդա-
պետին 2000 ռուբլի արկածեալ աշխարհականներին և 1,000
ռուբլի հողերակառններին բաժանելու համար:

ՆԵՐՍԷՍ ԹԱՏԻՐԵԱՆԻ ԿՏԱԿԸ

Անցեալները Թիֆլիսում վախճանուեց երևանցի Ն. Թա-
լիրեանցը, որ իւր կարողութեան մեծագոյն մասը, մօտ հա-
րիւր լիսուն հազար ռուբլի, կտակել է Երևանի հալոց թեմա-
կան դպրոցին: Աղալիսով Երևանի դպրանոցը, որ ինչպէս

լալտնի է, մինչև այժմ կառավարուում էր մեծ մասամբ թեմակալ առաջնորդների և հոգաբարձութեանց մեծ նեղութիւններով ձեռք բերած միջոցներով, այժմ գրեթէ բոլորովին ապահովոււմ է և կարող է թէ ընդարձակուել և թէ կանոնաւոր դպրանոցների շարքն անցնել: Պատիւ և լաւտեսական հանդիստ հանգուցեալին. երանի թէ ամեն մարդ գէթ մեռնելիս չմոռանար իւր ծննդավայրը. և լիչէր մերձաւորների կարօտ վիճակը:

Երեանի թեմական դպրոցի կառավարութիւնն ապահովուեց. մի բաւական մեծ հոգսից աղատուեց դպրոցի եռանդուն նախագահ սրբ. Սուքիաս արքեպիսկոպոսը: Յանկանք որ դպրոցի ուսումնական վիճակն էլ բարդաւած է նիւթական ապահովութեան համեմատ:

Հաստատ աղբիւրից կարող ենք հաղորդել, որ Նորին Բարձր Սրբաղնութեան գլխաւոր հոգսերից մէկն ալն է ներկայումս, որ կարողանալ դպրանոցը առաջնորդանիստ եկեղեցուց տեղափոխել քաղաքի կենտրոն եկեղեցիներից մէկը և ալնտեղ նորա համար մի հոյակապ շէնք կառուցանել:

Յանկանում ենք կատարեալ լաջողութիւն:

ՎԻԿՏՈՐ ՀԻՒԳՕԻ ԾՆՆԴԵԱՆ ՀԱՐԻՐԱՄԵԱԿԸ

Փետրուարի 13-ին ամբողջ Ֆրանսիան մի շունչ ու մի հոգի դարձած ողևորութեամբ տօնում է իւր ամենամեծ զաւակներից մէկի ծննդեան հարիւրամեակը: Հայրենիքի ամենամեծ զաւակն ալս անդամ ոչ պատերազմների լաղթանակներ տանող հանձարեղ ղօրավար է, ոչ աշխարհի անիւը պտտեցնող մեծ քաղաքագէտ, ալ իւր տաղանդաւոր մտքի արտայայտութիւններով դափնիներ վաստակած բանաստեղծ, Ֆրանսիայի ամենամեծ բանաստեղծը: Վիկտօր Հիւգօն ալն սակաւաթիւ քանքարաւոր մարդկանցից մէկն է, որ իւր գրչի շարժումների արդիւնքով գրաւել է ոչ միայն իւր հայրենակիցների զգացմունքներն ու սրտերը, ալ և ամբողջ քաղաքակրթ աշխարհի համակրանքն ու սէրը: Հիւգօն Ֆրանսիայի պարծանքն է և նորա ամենախոշոր հիմնաքարերից մէկը: Ինչպէս որ Հիւգօն ինքը ոգևորուում էր ֆրանսիացիների, ալնպէս էլ ամեն մի ֆրանսիացի, հասարակապետութեան նա-